

Grad Novi Pazar  
Skupština grada  
Odbornička grupa SDA Sandžaka  
Novi Pazar  
14. novembar 2021. godine

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O REALIZOVANIM PROJEKTIMA NA IZGRADNJI PUTEVA I DRUGE INFRASTRUKTURE ZA PERIOD 1. januar – 31. oktobar 2021. godine** sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 15. novembra 2021. godine.

**Predsjednik odborničke grupe**  
Ahmedin Škrijelj

## PRIJEDLOG

Na osnovu člana 46. stav 1, tačka 2), člana 71. stav 1. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 15. novembra 2021. godine, donosi

### **O D L U K U**

#### **o dostavljanju izvještaja o realizovanim projektima na izgradnji puteva i druge infrastrukture za period 1. januar – 31. oktobar 2021. godine**

##### **Član 1.**

Zadužuje se Gradsko vijeće grada Novog da odbornicima Skupštine grada, u roku od 15 dana od dana donošenja ove odluke, dostavi izvještaj koji se odnosi na:

- postupak odlučivanja prilikom odabira prioriteta u izgradnji puteva i druge infrastrukture u 2021. godini;
- spisak izgrađenih puteva, asfaltiranih ulica i druge izgrađene infrastrukture za period 1. januar – 31. oktobar 2021. godine, sa iznosom sredstava utrošenih za svaki od realizovanih projekata;
- spisak projekata koji su planirani a nisu realizovani do 31. oktobra 2021. godine sa planiranim iznosom sredstava za njihovu realizaciju;
- raspisane javne nabavke za svaki pojedinačni projekat izgradnje puteva i druge infrastrukture koji je realizovan do 31. jula 2021. godine ili je planirana realizacija u 2021. godini.

##### **Član 2.**

Obavezuju se nadležni organi grada Novog Pazara da:

- odlukom o budžetu grada Novog Pazara za 2022. i svaku narednu godinu navedu svaki infrastrukturni projekat pojedinačno čija je realizacija planirana;
- na zvaničnoj internet stranici grada Novog Pazara objave listu infrastrukturnih projekata čija je realizacija planirana.

##### **Član 3.**

Ovu odluku objaviti u „Službenom listu grada Novog Pazara“.

### **SKUPŠTINA GRADA NOVOG PAZARA**

Broj:

U Novom Pazaru, \_\_\_\_\_. \_\_\_\_\_. 2021. godine

## **PREDSJEDNIK**

Dr. Anela Šemsović

### **O B R A Z L O Ž E N J E:**

#### **Pravni osnov za donošenje akta:**

Pravni osnov za donošenje ove odluke je sadržan je u:

- članu 46. stav 1, tačka 2) Zakona o lokalnoj samoupravi;
- članu 71. stav 1. Zakona o lokalnoj samoupravi;
- članu 147. Statuta grada Novog Pazara
- članu 137. Poslovnika Skupštine grada Novog Pazara

#### **Razlozi za donošenje akta:**

Budžetom grada Novog Pazara planirana su sredstva za investicije i izgradnju puteva i druge infrastrukture, međutim, iz planova i programa rada Javnih preduzeća za 2021. godinu ne može se utvrditi koje investicije i projekte izgradnje puteva i druge infrastrukture Grad Novi Pazar planira da realizuje tokom 2021. godine iz svog budžeta ili drugih izvora finansiranja.

Takođe, ne postoji nijedan, do danas usvojen akt ili dokument kojim je utvrđen plan investicija kao i plan izgradnje puteva i druge infrastrukture.

Posebno otežavajuću okolnost predstavlja i činjenica što odbornici Skupštine grada nemaju informaciju niti službene podatke o do sada realizovanim projektima na izgradnji puteva i druge infrastrukture, ko je, kada i u kojoj proceduri odabrao i rangirao prioritete, po kojim kriterijumima i da li proces javnih nabavki proveden u skladu sa zakonom i opšteprihvaćenim moralnim načelima.

Imajući u vidu naprijed navedeno, neophodno je da Skupština grada donese ovaj akt i obaveže Gradsko vijeće da tražene podatke dostave odbornicima, što je inače i zakonom pripisana obaveza.

Da bi javnost i građani mogli pratiti kvalitet rada organa lokalne samouprave kao i da bi se uvela potpuna transparentnost u radu istih i spriječio svaki vid i mogućnost korupcije, ucjena i pritisaka na građane neophodno je da se odlukom o budžetu grada Novog Pazara za 2022. i svaku narednu godinu navede svaki infastruktorni projekat pojedinačno čija je realizacija planirana, kao i da se na zvaničnoj internet stranici grada Novog Pazara objave lista infastrukturnih projekata čija je realizacija planirana.

Sredstva kojima raspolaže Grad Novi Pazar su sredstva u javnoj svojini, pripadaju svim građanima i građani imaju pravo, a naročito odbornici koji su birani od strane građana, da znaju na koje projekte i investicije su potrošena ili će se trošiti sredstva kojima isključivo pripadaju građanima i da li su donosioci odluka prilikom određivanja prioriteta u izgradnji infrastrukture bili rukovođeni realnim potrebama građana ili sopstvenim i političkim interesima.

### **Objašnjenje pojedinačnih rješenja propisanih ovim aktom:**

**Član 1:** Utvrđen je predmet odluke, odnosno obaveza Gradskog vijeća da odbornicima dostavi izvještaj koji se odnosi na postupak odlučivanja prilikom odabira prioriteta u izgradnji puteva i druge infrastrukture u 2021. godini, spisak izgrađenih puteva, asfaltiranih ulica i druge izgrađene infrastrukture za period 1. januar – 31. oktobar 2021. godine, sa iznosom sredstava utrošenih za svaki od realizovanih projekata, spisak projekata koji su planirani a nisu realizovani do 31. oktobra 2021. godine sa planiranim iznosom sredstava za njihovu realizaciju i raspisane javne nabavke za svaki pojedinačni projekat izgradnje puteva i druge infrastrukture koji je realizovan do 31. oktobra 2021. godine ili je planirana realizacija u 2021. godini.

**Član 2:** Propisana je obaveza nadležnim organima grada Novog Pazara da odlukom o budžetu grada Novog Pazara za 2022. i svaku narednu godinu navedu svaki infastrukturni projekat pojedinačno čija je realizacija planirana, kao i da na zvaničnoj internet stranici grada Novog Pazara objave listu infastrukturnih projekata čija je realizacija planirana.

**Član 3:** Propisana je obaveza objavljivanja ovog akta u „Službenom listu grada Novog Pazara“.

**Finansijska sredstva za sprovođenje ove odluke nisu potrebna.**